



**IZVJEŠTAJ O RADU UNIVERZITETA U BIHAĆU U
AKADEMSKOJ 2016/2017. GOD. SA FINANSIJSKIM
IZVJEŠTAJEM ZA BUDŽETSKU 2017. GOD.**

Bihać, mart 2018. godine

8. NAUČNO - ISTRAŽIVAČKI RAD I MEĐUNARODNA SARADNJA

8.1. Internacionalizacija Univerziteta u Bihaću (opći kontekst i infrastrukturni okvir)

Internationalizacija Univerziteta u Bihaću u posljednjih nekoliko godina jedan je od segmenata rada Univerziteta koji bilježi pozitivne pomake, a ogleda se najprije u mobilnosti studenata i osoblja na partnerske univerzitete izvan Bosne i Hercegovine, saradnja na međunarodnim razvojnim, naučno - istraživačkim i istraživačko - razvojnim projektima, te potpisivanje bilateralnih ugovora opet sa ciljem razmjene znanja i istraživanja kroz mobilnost i projekte.

Jedan od najvažnijih koraka koje je Univerzitet poduzeo u posljednje dvije godine kada je u pitanju unapređenje internacionalizacije jeste prihvatanje partnerstva u Erasmus+ projektu „Jačanje internacionalizacije na visokoškolskim ustanovama u BiH - STINT“ koji je otpočeo u decembru 2015. godine (voditelj projekta: Ured za međunarodnu saradnju UNBI) a ima za cilj razvoj strategije internacionalizacije na partnerskim univerzitetima u BiH, što podrazumijeva određivanje strateških ciljeva i ključnih indikatora, te strateških aktivnosti i programa. Osim toga projektom se predviđa razvoj pravilnika za akademsko priznavanje, te vodiča za internacionalizaciju i priznavanje. Ured za međunarodnu saradnju Univerziteta u Bihaću već je ranije inicirao razvoj Pravilnika o mobilnosti na Univerzitetu u Bihaću, koji je usvojen krajem 2014. godine, čime je uređen segment akademskog priznavanja perioda mobilnosti za studente i nastavnike Univerziteta u Bihaću. Takođe, u ranijem periodu razvijen je i Pravilnik o procedurama za podršku međunarodnim aktivnostima Univerziteta u Bihaću, kojim se pobliže reguliše način apliciranja na projekte i uspostavljanje saradnje, iako ovaj dokument zahtijeva dodatno usklađivanje sa današnjim izmijenjenim procedurama po pojedinim programima financiranja.

Kada je u pitanju izrada Strategije internacionalizacije Univerziteta u Bihaću, Senat Univerziteta u Bihaću na svojoj XII sjednici održanoj 21. marta 2017. godine imenovao je Komisiju za izradu dokumenta „Strategija internacionalizacije Univerziteta u Bihaću“ koja trenutno radi na izradi ovog dokumenta i polovinom 2018. godine se očekuje završetak ove aktivnosti. Ured za međunarodnu saradnju je glavni nosilac ove aktivnosti. Osim toga, Strategija razvoja Univerziteta u Bihaću 2017 - 2022. jasno naglašava međunarodnu saradnju kao strateški cilj, čija će se realizacija provoditi kroz sljedeće strateške zadatke, i to:

1. Međunarodna saradnja,
2. Formiranje centra za nauku i razvoj (CENIR),
3. Aplikacijski programi prema fondovima EU,
4. Pristup bazama podataka,
5. Uspostava studijskih programa na engleskom jeziku,
6. Povećanje i promovisanje mobilnosti studenata.


Kroz nekoliko aktivnosti postignut je i značajan napredak u promociji internacionalizacije i mobilnosti na Univerzitetu u Bihaću. U prvom redu to se odnosi na podizanje svijesti o značaju internacionalizacije među osobljem i studentima Univerziteta, a nakon što se stvori povoljno okruženje moći će se aktivnije raditi na privlačenju stranih studenata. Aktivnosti promocije odnose se najprije na info sesije koje Ured za međunarodnu saradnju organizuje po potrebi na organizacionim jednicama (otvoreni pozivi za mobilnost i projekte, druženja u Uredu za međunarodnu saradnju, priznavanje mobilnosti, itd.).

Osim toga, veoma važan segment jeste i promocija internacionalizacije uz pomoć društvenih mreža, službene internet stranice Univerziteta i fakulteta, lokalnih internet portala i javnih medija. Ured u posljednje dvije godine vodi i redovno ažurira facebook stranicu Ureda na kojoj se

objavljaju pozivi za učešće u razmjeni, prijave na projekte, kao i druge aktivnosti Ureda ali i studenata i osoblja fakulteta koje se tiču internacionalizacije. Veoma zanimljiva aktivnost, koja je otpočela u akademskoj 2016/2017. godini, je promocija mobilnosti kroz serijal uspješnih priča o mobilnosti pod nazivom „Međunarodna saradnja Univerziteta u Bihaću – neprocjenjiva iskustva naših studenata i osoblja“. Serijal se objavljuje na lokalnim web portalima, a priče pripremaju studenti i osoblje univerziteta koji su imali priliku da učestvuju u mobilnosti i koji su voljni da svoju priču i fotografije podijele sa drugima.

8.2. Međunarodna akademska mobilnost i međunarodni programi mobilnosti

Mobilnost studenata i nastavnika na Univerzitetu u Bihaću se u 2016. i 2017. godini odvijala u sklopu nekoliko programa mobilnosti: Erasmus+ ICM program, Erasmus Mundus, CEEPUS, Mevlana, UNET, programi koje financira Ambasada SAD-a u BiH (Fulbright i Global UGRAD), te drugi programi (bilateralna saradnja između BiH i Crne Gore, te između BiH i Slovenije).



Iako je **Erasmus Mundus** program završio 2015. godine, još uvijek je u toku realizacija projekta SIGMA Agile do jula 2018. godine u okviru kojeg je Univerzitet ostvario sljedeće mobilnosti: 3 jednosemestrane mobilnosti (Varšava, Lisabon, Salzburg); 1 full-degree master stipendija (Varšava); jednomjesečna obuka za administrativno osoblje (City London); post-doc istraživanje-6 mjeseci (City London); 3 dvosemestrane stipendije (Barselona, Salzburg).

U okviru **Erasmus+ ICM programa**, u 2016. realizirane su mobilnosti sa sljedećim univerzitetima: Univerzitet u Mariboru (Slovenija), Univerzitet u Varšavi (Poljska), Univerzitetu Nova de Lisboa (Portugal). U akademskoj 2016/17. ostvarena je saradnja i urađena aplikacija za sredstva sa sljedećim univerzitetima: Cukurova University (Adana, Turska), Islamic University of Rotterdam (Nizozemska), D.A. Tsenov Ekonomska akademija (Bugarska), Silesian Tehnološki Univerzitet (Poljska), Univerzitet u Milanu (Italija), Univerzitet u Latviji, Calabria Univerzitet (Italija), Univerzitet u Valenciji (Španija), Poznan Univerzitet živih sistema, Šumarski fakultet (Poljska), Wroclaw univerzitet (Poljska), Mare Nostrum Consortium (4 partnerska univerziteta iz Portugala). Sredstva nisu odobrena samo za D.A. Tsenov Ekonomska akademija (Bugarska), Univerzitet u Latviji, Calabria Univerzitet (Italija), Poznan Univerzitet živih sistema, te Šumarski fakultet (Poljska), ali se nadamo pozitivnoj reaplikaciji i odobrenom finansiranju mobilnosti sa

ovim univerzitetima u narednom Erasmus+ ICM pozivu. Realizacija mobilnosti sa univerzitetima za koje su odobrena sredstva je trenutno u toku.

Tokom 2016/2017. akademske godine Ured je intenzivno radio na dogovaranju mobilnosti, kao i apliciranju za sredstva unutar istog programa, a radi se o nekoliko univerziteta iz R. Turske, Portugala, Poljske, itd. U akademskoj godini za sredstva je aplicirano sa Munzur i Adana Univerzitetom (Turska) i Univerzitetom u Portu (Portugal), a dogovorena je saradnja i sa još nekoliko partnerskih univerziteta. Na univerzitetima sa kojima su ostvarena sredstva za financiranje mobilnosti boravilo je više studenata kroz jednosemestralne razmjene, dok još uvijek nisu prisutne dolazne mobilnosti studenata sa ovih univerziteta. Kada je u pitanju mobilnost osoblja, zabilježene su i odlazne i dolazne mobilnosti za gostujuća predavanja i obuke u trajanju od pet i sedam dana. U 2016/2017. godini, unutar ovog programa, realizirano je ukupno 3 dolazne mobilnosti nastavnog i nenastavnog osoblja, a 10 odlaznih mobilnosti nastavnog i nenastavnog osoblja.

U toku 2016/2017. godine, Ured je u saglasnosti sa partnerskim univerzitetima objavio pozive za prijavu studenata i nastavnika sa UNBI za finansiranje boravka na istim za zimski semestar 2017/2018. godine, te smo dobili sljedeće rezultate:

- Silesian Tehnološki Univerzitet (Poljska) ukupno 5 (pet) validnih prijava studenata; 1 prijava nastavnog osoblja,
- Univerzitet u Mariboru (Slovenija) ukupno 5 (pet) validnih prijava studenata; 1 prijava nastavnog osoblja,
- Univerzitet u Wroclawu (Poljska) ukupno 2 (dvije) validne prijave studenata; 2 prijave nastavnog osoblja,
- Univerzitet u Valenciji (Španija) ukupno 2 (dvije) validne prijave studenata,
- Univerzitet Nova de Lisboa (Lisabon) ukupno 2 (dvije) validne prijave studenata.

U okviru **CEEPUS programa**, osoblje i studenti Univerziteta u Bihaću učestvuju kroz ugovorene mreže, ali i kroz freemover program. Kada su mreže u pitanju, Univerzitet učestvuje u tri mreže: na Biotehničkom fakultetu *Poljoprivreda i okoliš u 21. stoljeću - @groen*, na Pedagoškom fakultetu *Slavenska filologija i njeni kulturalni konteksti* i na Tehničkom fakultetu *Ars-Techne: Dizajn i razvoj multifunkcionalnih proizvoda*. U 2016. i 2017. godini studenti i osoblje Univerziteta u Bihaću ostavili su jednosemestralne stipendije na Karl-Franzens Univerzitet u Grazu (1), Univerzitetu u Mariboru (2), više kratkih eksurzija kroz freemover program na univerzitetu u Austriji, gostujuća predavanja na Univerzitetu u Mariboru i Univerzitetu u Ljubljani, kratka istraživanja na Univerzitetu Crne Gore u Podgorici itd.

Aplicirane mreže i odobreno stipendiranje mobilnosti studenata i nastavnika:

CIII-AT-0037-00-1415 - Slavic Philology and Its Cultural Contexts

- Eldisa Družanović (Pedagoški fakultet) zimski semstar 2016/2017. Univerzitet u Mariboru,

CIII-SI-0217-08-1415 Ars-Techne: Dizajn i razvoj multifunkcionalnih proizvoda

- Ena Jajalo (Tehnički fakultet) ljetni semestar 2016/2017. Univerzitet u Mariboru,
- Sedina Čaušević (Tehnički fakultet) zimski semestar 2016/2017. Univerzitet u Mariboru,

CIII-HU-0003-00-1617 - Agriculture and Environment in the 21st Century - @groen

- Faris Muminović (Biotehnički fakultet) – ljetna škola Ihtiologija,
- Prof. dr. Azra Bećiraj (Biotehnički fakultet) – ljetna škola Ihtiologija.

U sklopu CEEPUS programa ostvarena je i razmjena nastavnog osoblja gdje je jedan viši asistent boravio na Sveučilištu u Zagrebu, Ekonomski fakultet, u trajanju od mjesec dana.

U akademskoj 2015/2016. godini ispred Univerziteta u Bihaću je uposlenica Ureda imenovana od strane rektora kao državni ekspert za ocjenu prijavljenih mreža unutar ovog programa za 2016/2017.godinu tako da je i ta aktivnost provedena.

Mevlana program jedan je od prvih programa mobilnosti na Univerzitetu u Bihaću i u 2016. i 2017. godini osvarena je saradnja sa dodatna četiri (4) univerziteta. U zimskom semestru 2016/17. godine odobrene su stipendije za 6 studenata i njima je Ured za međunarodnu saradnju UNBI finansirao putne troškove iz sredstava Federalnog ministarstva obrazovanja i nauke namijenjenih za mobilnost studenata. Međutim, 3 studenta iz privatnih razloga nisu realizirali svoju stipendiju. U istoj akademskoj godini odobrena je i jedna stipendija za nastavnika u trajanju od 15 dana, ali nije realizirana. Ostvarene su i dvije dolazne mobilnosti za zimski semestar 2016/17. godine i obe su realizirane. U akademskoj 2016/17. godini odobrena je stipendija za jednu studenticu sa Islamskog pedagoškog fakulteta Univerziteta u Bihaću za zimski semestar 2017/2018. godine, ali nije realizirana iz razloga što je studentica ostvarila i Erasmus Mundus stipendiju na Univerzitetu u Salzburgu (Austrija). Takođe je odobreno 6 dolaznih mobilnosti studenata sa 5 različitih turskih univerziteta za ljetni semestar 2017/2018. godine. Ured je dogovorio i saradnju sa četiri univerziteta koja je rezultirala sa poptpisavnjem Mevlana ugovora u 2016/2017. godini:

- Bayburt Univerzitet,
- Giresun Univerzitet,
- Kocaeli Univerzitet,
- Bulent Ecevit Univerzitet.

Studenti i nastavnici sa Univerziteta u Bihaću kojima je odobreno stipendiranje boravka na univerzitetima u R.Turskoj:

- Nejra Ćerimović (Ekonomski fakultet) zimski semestar 2016/2017. Akdeniz univerzitet,
- Amra Sefić (Tehnički fakultet) zimski semstar 2016/2017. Akdeniz Univerzitet,
- Emina Šahbazović (Biotehnički fakultet) ljetni semester 2016/2017. Dutzce Univerzitet,
- Džejlana Čaušević (Biotehnički fakultet) ljetni semester 2016/2017. Dutzce Univerzitet,
- Emrah Ćohodar (Islamski pedagoški fakultet) ljetni semester 2016/2017. Ondokuz Mayıs Univerzitet,
- Izet Mehić (Islamski pedagoški fakultet) ljetni semester 2016/2017. Ondokuz Mayıs Univerzitet,
- Prof. dr. Refik Šahinović (Biotehnički fakultet), Amasya univerzitet, 2016/2017.

Studenti iz R. Turske kojima je odobren boravak na Univerzitetu u Bihaću:

- Elif Demir (Dumlupinar univerzitet) ljetni semstar 2016/2017. na Odsjeku za Engleski jezik i književnost,
- Emre Aydemir (Trakya univerzitet) zimski i ljetni semestar 2016/2017. na Odsjeku za bosanski jezik i književnost sa historijom,
- Serkan Safak (Trakya Univerzitet) zimski i ljetni semestar 2016/2017. na Odsjeku za bosanski jezik i književnost sa historijom,
- Bulunt U. Alpkaya (Trakya univerzitet) zimski i ljetni semestar 2016/2017. na Odsjeku za bosanski jezik i književnost sa historijom,
- Emre S. Aral (Trakya univerzitet) zimski i ljetni semestar 2016/2017, na Odsjeku za bosanski jezik i književnost sa historijom.

UNET mreža uspostavljena je kroz sporazum 11 univerziteta sa područja Balkana, a troškove mobilnosti snose sami studenti, odnosno matične ustanove. Ured za međunarodnu saradnju je u 2015. godini pozitivnom evaluacijom projektnog prijedloga ostvario sredstva kod Federalnog ministarstva obrazovanja i nauke za financiranje mobilnosti kroz ovu mrežu, iz čega je financiran boravak i putni troškovi za dva studenta sa Ekonomskog fakulteta UNBI na Sveučilištu u Zadru tokom zimskog semestra 2016/17. godine. Ured je iznašao i finansijski model stipendiranja studenata. Realizacija projekta se odvijala tokom 2016/2017. godine, a Univerzitet u Bihaću je prva visokoškolska institucija unutar ove mreže koja je iznašla sredstva i realizirala mobilnosti studenata unutar ove mreže.

CMEPIUS - stipendije Centra za mobilnost i evropske programe obrazovanja i osposobljavanja Republike Slovenije (CMEPIS). Ove stipendije su namijenjene za studente prvog, drugog ili trećeg ciklusa koji žele da dio svog studija (obično u trajanju od 3 do 10 mjeseci) provedu na jednoj od visokoobrazovnih institucija u Sloveniji. Sve prijave se realiziraju preko Ureda za međunarodnu saradnju. Studentica sa Islamskog pedagoškog fakulteta (Odsjek za socijalnu pedagogiju i duhovnu skrb) je dobitnica stipendije za ljetni semestar 2016/2017. godine, međutim ista je provela taj semestar na Nova de Lisboa univerzitetu unutar Erasmus+ ICM programa.

Global UGRAD program (Sjedinjene Američke države) - Na osnovu programa koje financira Ambasada SAD-a, jedan student sa Univerziteta u Bihaću je u 2016/17. godini ostvario jednu jednosemestralnu mobilnost kroz **Global UGRAD program** na Lewis - Clark State College (LCSC), Lewiston, Idaho, SAD. Ured je pružio svu adekvatnu stručnu pomoć studentu oko same prijave, prikupljanja neophodne dokumentacije, kao i samog procesa priznavanja perioda studiranja u SAD-u i položenih ispita.

Fulbright program - Dvije mobilnosti nastavnika – jedan dolazna mobilnost (Syracuse University, NY) kroz **Fulbright program** u trajanju od 6 mjeseci na Pedagoškom fakultetu UNBI i jedna odlazna mobilnost kroz Fulbright program – postdoktorsko istraživanje u trajanju od 10 mjeseci (Fulbright Postdoctoral Fellowship, Electrical Engineering, Georgia Institute of Technology, Atlanta, GA, USA).

Ostali programi – osoblje i studenti Univerziteta u Bihaću u nekim slučajevima ostvaruju stipendije za financiranje mobilnosti kroz programe koji nisu direktno vezani za naš Univerzitet, poput individualnih aplikacija za financiranje **bilateralne saradnje** npr. između **BiH i Slovenije** i **BiH i Crne Gore**. U 2016. i 2017. godini u toku je realizacija takva dva projekta na kojima učestvuju dva nastavnika Univerziteta u Bihaću. Ostvarena je i jedna stipendija kroz **Erasmus Mundus projekat Green-Tech-WB** za nastavnike u trajanju od mjesec dana na Univerzitetu u Paderbornu.

Ured za međunarodnu saradnju tokom cijelog procesa aplikacije studenata i osoblja, pruža stručnu pomoć istima u smislu izrade potvrda o poznavanju engleskog jezika, izrade motivacionih pisama, popunjavanje aplikacijskih obrazaca, prevoda, odabira predmeta za popunjavanje ugovora o učenju, itd, a po povratku studenata, Ured rukovodi sa cijelim procesom priznavanja položenih ispita i perioda studiranja što je rezultat intenzivne saradnje sa menadžmentom organizacionih jedinica Univerziteta.

U toku 2016/2017. godine, odrađeno je priznavanje dvanaest (12) mobilnosti naših studenata unutar različitih programa razmjene. Uposlenice Ureda vode kartone studenata na razmjeni, nakon povratka studenata prave zahtjeve prema organizacionim jedinicama za priznavanje uz dostavljanje svih potrebnih dokumenata, učestvuju kao članovi komisija za priznavanje, pružaju stručnu pomoć kod tumačenja Pravilnika o mobilnosti, kao i samoj izradi Zapisnika o cijeloj proceduri priznavanja, te pružaju pomoć studentskim službama kod unosa neophodnih podataka u Dodatak diplome.

8.3. Naučni i stručni projekti Univerziteta u Bihaću u akademskoj 2016/17. godini

U 2016. i 2017. godini, Univerzitet je aplicirao sa velikim brojem projekata kod različitih domaćih i međunarodnih donatora kao koordinator ili kao partner kada su u pitanju međunarodni izvori financiranja. To se u prvom redu odnosi na Evropsku uniju i programe **Erasmus+ Ključna aktivnost 1 i 2**, te **Eureka program**. Osim EU, prisutni su i projekti koje finansiraju ambasade u BiH poput **Ambasade SAD-a**, te **Turska vojna misija u BiH**, **Fondacija Mercator iz Švicarske**, **Fondacija ERSTE Austrija**, **WUS-Austria**, **Raiffeisen Banka**.

Drugi potprogram **Erasmus+ programa – ključna aktivnost 2** nastavak je Tempus programa i kao takav omogućuje realizaciju projekata koji se tiču modernizacije studijskih programa sa ciljem njihove akreditacije, jačanja internacionalizacije univerziteta, stvaranje kurikuluma zasnovanih na ishodima učenja, usklađivanje kvalifikacija sa evropskim kvalifikacijskim okvirom i sl. Trenutno se kroz ovaj potprogram realiziraju projekti u partnerstvu sa Univerzitetom u Limeriku, Univerzitetom u Travniku, Univerzitetom u Kosovskoj Mitrovici i Katoličkim univerzitetom u Leuvenu: Kvalifikacijski okvir kao platforma za razvoj kurikuluma zasnovanih na ishodima učenja, Uvođenje kurikuluma zasnovanih na kompetencijama za obrazovanje nastavnika predškolskog obrazovanja, Jačanje internacionalizacije u visokom obrazovanju BiH, Implementacija master studijskog programa Digitalno emitiranje i širokopojasne tehnologije. Ured za međunarodnu saradnju stručno i administrativno rukovodi projektnim ciklusima tokom realizacije ovih projekata, radi na izradi finansijskih izvještaja, usklađuje EU pravila programa sa domaćim zakonodavstvom i pruža svu neophodnu pomoć Službi za ekonomsko - finansijske poslove Univerziteta u Bihaću, vrši nadzor nad provedenim.

U 2016. godini Univerzitet je uzeo učešće i u **EUREKA programu** kojeg finansira Evropska unija, kroz projekat kojeg Tehnički fakultet realizira u saradnji sa privrednicima sa Unsko-sanskog kantona uz koordinaciju Univerziteta u Beogradu.

PATTERNS Lectures je program koji podržava razvoj novih kolegija na univerzitetima u centralnoj i jugoistočnoj Evropi. Isti je pokrenula fondacija Erste Stiftung, a provodi ga WUS Austria od 2009. godine. Glavni cilj programa je razvoj novih kolegija/predmeta iz oblasti umjetničkog istraživanja, historije umjetnosti, kulturološke teorije i studija u centralnoj, istočnoj i jugoistočnoj Evropi. Nadalje, potiče i međunarodnu akademsku razmjenu na način da omogućava predavačima međunarodne studijske posjete, kao i dolazak gostujućih predavača. Tekstilni odsjek Univerziteta u Bihaću učestvuje u ovom programu sa jednim projektom pod nazivom Kolegij Dizajn i kriza, koji je također omogućio mobilnost profesora i istraživača na Univerzitet u Bihaću sa Univerziteta u Mičigenu, Hrvatskog dizajnerskog društva Zagreb, The New School New York, Sveučilišta u Zagrebu, Muzeja za umjetnost i obrt Zagreb i mnogih drugih. Ovaj kolegij je prvi u Bosni i Hercegovini i regiji Zapadnog Balkana koji je odabran za finansiranje unutar ovog programa. Ured za međunarodnu saradnju je nakon odobrenog granta preuzeo stručno administriranje projekta tokom akademske 2016/2017. godine.

U 2016/17. godini Švicarska fondacija Mercator već drugi put za redom finansirala je projekat „**Innovation School Sprungbrett**“ koji je namijenjen studentima i njihovom praktičnom radu, te prezentaciji studentskih naučnih radova iz oblasti tehnologija i dizajna namještaja i proizvoda od drveta. Koordinator projekta je Visoka škola za arhitekturu, drvo i građevinu Univerziteta u Bernu, a u toku trajanja projekta studenti Tehničkog fakulteta su učestvovali u više različitih konferencija i radionica kojima se potiče njihov naučni rad i primjena teorijskih znanja u praksi.

Osim međunarodnih izvora finansiranja projekata i naučno-istraživačkog rada na Univerzitetu u Bihaću, veliki broj projekata finansira se i iz domaćih institucija, gdje je naročito bitno istaći Federalno ministarstvo obrazovanja i nauke, koje svake godine izdvaja sredstva za

finansiranje naučno-istraživačkih aktivnosti na visokoškolskim ustanovama u F BiH kroz Ugovor o finansiranju projekata iz oblasti nauke od značaja za Federaciju BiH. Osim toga, Federalno Ministarstvo finansira i projekte koji se tiču i naučno-istraživačkih i istraživačko razvojnih projekata, te projekata unaprijeđenja studentskog standarda. U 2016. i 2017. godini Ministarstvo financira četiri naučno-istraživačka projekta na Univerzitetu u Bihaću, te jedan projekat za proširenje studentskog standarda. Osim Federalnog ministarstva obrazovanja, podršku projektima Univerziteta pružaju i druga ministarstva na kantonalnom nivou, u najvećoj mjeri Ministarstvo za građenje, prostorno uređenje i zaštitu okoliša, te na nivou Federacije BiH Ministarstvo kulture i sporta, Ministarstvo poduzetništva i obrta, itd. U 2016. godini Ministarstvo građenja USK-a finansiralo je dva projekta na Biotehničkom fakultetu. Ministarstvo kulture i sporta F BiH u 2016. godini sufinansiralo je jedan projekat izgradnje sale Pedagoškog fakulteta.

U 2017. godini Pedagoškom fakultetu odobrena su sredstva iz **Raiffeisen Bank programa Društveno smo odgovorni** za projekat pod nazivom „Ulažem u savremene tehnologije – ulažem u različitost“. Na istom fakultetu realiziran je i projekat „Modernizacija i opremanje Instituta za kineziologiju Univerziteta u Bihaću“ kojeg financira Turska vojna misija u Bosni i Hercegovini.

Ured za međunarodnu saradnju zaprima sve aplikacije projekata sa organizacionih jedinica i iste pregleda, usklađuje sa kriterijima konkursa, uređuje, prevodi na engleski jezik, isti uređuje ili šalje na doradu ukoliko je potrebno, a u akademskoj 2016/2017. godini prijavljeni su sljedeći:

DOMAĆI I MEĐUNARODNI PROJEKTI

Erasmus+ Key action 2 Capacity Building in the Field of Higher Education (Jačanje kapaciteta u visokom obrazovanju)

1. “Competencies in Sport-CIS”, koordinator: Univerzitet u Sarajevu (BiH),
2. “Transforming Architectural and Civil Engineering Education towards a sustainable Model TACEESM”, koordinator: University ‘G. d’Annunzio (Švicarska),
3. “Strengthening cooperation between universities and labour market-UNIMACOP”, koordinator: KU Leuven University (Belgija),
4. “Qualification Framework for sustainable careers- QUERES”, koordinator: Univerzitet u Beogradu,
5. “Development of Institutional Quality Assurance with Bologna process at HEI and Albania-DIQABA”, koordinator: Czech University of Life Sciences (Prag, R. Češka),
6. “Strengthening Practical Education on Faculties of Agriculture-SPEFA”, koordinator: Czech University of Life Sciences (Prag, R. Češka),
7. “Master study in Sustainable Food Production systems”, koordinator: Poljoprivredni fakultet u Tirani (Albanija),
8. “Building Engineering skills in New Technologies-BEST”, Koordinator: FH Aachen Univerzitet promjenjenih nauka ACUAS,
9. “Embedding Intercultural and Human Rights in HE-Learn 2B Human”, koordinator: Peloponnese University (Grčka),
10. “Strengthening Competitiveness of Master Programs by Introducing Geoinformatics for Precision Agriculture Application in Western Balkan – PAGEDIT”, koordinator: Univerzitet u Novom Sadu (Srbija).

Erasmus+ KA 2 – Cooperation for Innovation and the Exchange of Good Practices KA 205-Strategic Partnership for Youth

1. Promoting Green Initiatives for Sustainable Development GREEN-IN, koordinator: Općina Etinesgut Beldiyesi Ankara (Turska).

Prijavljeni projekti unutar Erasmus+ programa Key Action 1 – Youth Mobility; Individuals learning Mobility:

1. “Bosnian – Turkish partnership, Capacity building youth workers” (Ured za međunarodnu saradnju UNBI).

Prijavljeni projekti Agencija za sigurnost hrane – European Food Safety Authority-EFSA (Support to National Dietary surveys in compliance with the EU Menu Methodology:

1. “The Adults’ survey including subjects from 10 to 74 years old” (Biotehnički fakultet).

Prijavljeni projekti unutar programa USAID/Sweden Fostering Agricultural Markets Activity II:

1. “Nove tehnologije za unapređenje kvaliteta finalnih proizvoda na bazi ljekovitog i aromatičnog bilja” (Biotehnički fakultet).

Prijavljeni projekti unutar fonda Američke ambasade U.S. Embassy Economic Support Fund (ESF):

1. Democracy Commission: “Responsible Society in Struggle against Air Pollution” (BTF),
2. Women’s Empowerment: “Entrepreneurship as a tool for Socio-economic empowerment of women” (BTF),
3. Interethnic Reconciliation and Youth: “Nutrition Culture of BiH-similarities and differences” (BTF).

Prijavljeni projekti unutar Danube Strategic Project Fund programa:

1. “Stimulate Entrepreneurial Education in Schools of Danube”-SEESD” (International School for Social and Business studies - BTF).

Program COST European cooperation in Science and Technology:

1. CA 16222 Wider Impacts and Scenario Evaluation of Autonomous and Connected Transport (Tehnički fakultet),
2. CA 16226 Indoor Living space improvement: Smart Habitat for Elderly (Tehnički fakultet).

Ambasada Švicarske Small Grants Actions:

1. “Protection against radioactivity – Health Safety of citizens” (Biotehnički fakultet).

Swiss Foundation for Solidarity in Tourism:

1. Tourist destinations of Una-Sana Canton (Biotehnički fakultet).

Javni konkurs za dodjelu sredstava iz granta „Programi za pripremu projekata i potencijalnih kandidata za sredstva iz fonda H2020“ za 2017. godinu – Ministarstvo civilnih poslova BiH:

1. Tehnologija presovanja AA6026 legure i projektovanje osobina u procesu jednostepenog i sekundarnog termičkog starenja, II faza – EUREKA 2017. (Tehnički fakultet).

Program podrške javnim visokoškolskim ustanovama za projekte osiguranja kvaliteta i projekte povezivanja s potrebama tržišta rada:

1. Alumni ured na Univerzitetu u Bijaću – odgovor Univerziteta na potrebe tržišta rada (Centar za osiguranje kvaliteta).

Turska vojna misija u Bosni i Hercegovini:

1. “Modernizacija i opremanje Instituta za kineziologiju Univerziteta u Bihaću” (Pedagoški fakultet).

Raiffeisen Bank Konkurs za dodjelu sponzorstava i donacija u 2017. godini:

1. “Ulažem u savremene tehnologije – ulažem u različitost” (Pedagoški fakultet).

Javni poziv Federalnog ministarstva kulture i sporta za odabir programa i projekata koji će se sufinansirati iz Budžeta FBiH za 2016. godinu:

Transfer za sport od značaja za F BiH; Pozicija 1 - sufinansiranje izgradnje, rekonstrukcije i opremanja sportskih objekata:

1. “Rekonstrukcija objekta broj 13 za potrebe sportske dvorane” (Pedagoški fakultet).

Transfer za mlade; Pozicija 1. Podrška programima i projektima za mlade iz oblasti kulture i sporta:

1. “Kulturom odijevanja mladih do modernog društva” (Tehnički fakultet).

Javni poziv za odabir programa i projekata Transfera za finansiranje studentskog standarda koji će se finansirati iz Budžeta FBiH u 2017.godini FMON:

1. “Brand Up Yourself – Kako izgraditi i kreirati brend uz pomoć savremenih grafičkih alata” (Ekonomski fakultet).

Javni poziv za sufinansiranje N/R i I/R projekata u FBiH za 2017.godinu FMON:

1. “Značaj tjelesne aktivnosti u relaciji sa morfološkim karakteristikama gojaznosti i povišenom masnoćom u krvi i hipertenzijom kod studenata” (Pedagoški fakultet).
2. “Komparativna istraživanja bioloških komponenti Šatorskog jezera” (Biotehnički fakultet).
3. “Amigdalini, struktura i elektronska svojstva, te njegova kvantifikacija” (Biotehnički fakultet).
4. “Identifikacija i evidencija imovinskih dobara u vlasništvu jedinica lokalnih samouprava, te uspostava registra imovinskih dobara jedinica lokalnih samouprava u F BiH” (Pravni fakultet).
5. “Optimizacija rada pilot biljnog uređaja pri obradi različitih vrsta otpadnih voda” (Biotehnički fakultet).
6. “Remedijacija zemljišta zagađenog naftom i teškim metalima” (Biotehnički fakultet).
7. “Kontrola sadržaja pesticida u voću i povrću putem likvidne hromatografije i masene spektrometrije” (Biotehnički fakultet).
8. “Modeliranje i predviđanje parametara kvaliteta zraka” (Biotehnički fakultet).
9. “Istraživanje nutritivnih svojstava i antioksidativnog kapaciteta samoniklog i šumskog voća” (Biotehnički fakultet).
10. “Estimacija pacijentnih doza u radiološkoj dijagnostici u USK-u i Tuzlanskom kantonu” (Pedagoški fakultet).

Javni poziv za kandidovanje projekata za raspodjelu namjenskih sredstava iz ekoloških naknada za 2017. godinu, Ministarstvo za građenje, prostorno uređenje i zaštite okoliša USK:

1. “Permakultura” (Biotehnički fakultet).

Finansiranje projekata iz rezervi FMON:

1. “Komparativna istraživanja bioloških komponenti Šatorskog jezera” (Biotehnički fakultet).

Sufinansiranje projekata iz oblasti visokog obrazovanja od značaja za FBiH za 2017. godinu:

1. "Eksterna validacija studijskih programa na UNBI" (Centar za osiguranje kvaliteta).

8.4. Međuuniverzitetska saradnja (sporazumi)

U akademskoj 2016/2017. godini, Univerzitet u Bijaću je potpisao sporazume o saradnji sa sljedećim univerzitetima/institucijama/agencijama i nastavio pozitivan trend umrežavanja radi uspješne promocije samog Univerziteta, ali i unaprijeđenja rada i otvaranja novih mogućnosti za sve uposlenike i studente Univerziteta u Bijaću:

- Univerzitet u Paderbornu (Njemačka, 01.07.2017.),
- Međimursko Veleučilište u Čakovcu (Hrvatska, 08.06.2017.),
- Memorandum o saradnji sa Privrednom komorom USK-a (Bijać, 24.04.2017.),
- Agencija za zapošljavanje i posredništvo na području SR Njemačke "JOBSTEP"d.o.o (03.03.2017.),
- Institucija ombudsmena za ljudska prava Bosne i Hercegovine (07.11.2016.),
- Ugovor o poslovnoj i stručnoj saradnji sa potrebe organizacione jedinice VZS-a sa Kantonalnom bolnicom "Dr. Irfan Ljubijankić" (03.10.2016.).

Pored ovih sporazuma, potpisan je i veliki broj međuuniverzitetskih sporazuma sa univerzitetima unutar Erasmus+ ICM i Mevlana programa razmjene, kako je navedeno pod tačkom Mobilnost studenata, nastavnika i nenastavnog osoblja.

8.5. Poduzeti koraci za otklanjanje poteškoća u radu Ureda za međunarodnu saradnju

Tokom 2016/2017. godine kroz realizaciju programa razmjene, kao i projekata, uposlenice Ureda su se susrele sa nizom poteškoća zbog neadekvatnih zakonskih rješenja koje su onemogućavale realizaciju mobilnosti, kao i samih projektnih aktivnosti.

Jedan od načina iznalaženja rješenja je bilo iniciranje sastanka sa Komisijom za obrazovanje, nauku, kulturu, sport i mlade Skupštine USK-a početkom akademske 2016/2017. godine gdje je predložen razgovor o sljedećim tačkama:

- Neredovno isplaćivanje pristiglih donacija (domaći ili međunarodni projekti) što stvara pretpostavke stavljanja Univerziteta na crnu listu,
- Nepostojanje fonda za stipendiranje studenata ili poreznih olakšica za studente,
- Nepostojanje podračuna za projekte,
- Nemogućnost prijave Univerziteta u Bijaću kao koordinatora na EU fondove zbog neučinkovitog trezorskog poslovanja,
- Zakon o naučno-istraživačkom radu.

Sastanku su prisustvovali i predstavnici Kantonalnog ministarstva obrazovanja i finansija gdje se otvoreno pred Komisijom razgovaralo o svim predloženim tačkama. Sama inicijativa je učvrstila saradnju sa Kantonalnim ministarstvima obrazovanja i finansija, te je naknadno održano još par sastanaka gdje smo dali pisani prijedlog za otvaranje podračuna za projekte što je rezultiralo u konačnici da se isti i realizira, a vodili smo i razgovore o Zakonu o naučno-istraživačkom radu, kao i usvajanju Zakona o priznavanju visokoškolskih kvalifikacija u saradnji sa Centrom za informisanje i priznavanje visokoškolskih kvalifikacija BiH.

Zatim učešće na Patterns lectures projektu (više u dijelu Projekti Univerziteta) je pokrenulo pitanje Zakona o deviznom poslovanju F BiH u smislu isplate nerezidentima. Kod podugovaranja sa

stranim gostujućim predavačima, suočeni smo sa problemom isplate istim na njihove devizne račune, a na osnovu Zakona o deviznom poslovanju F BiH (Sl.novine FBiH broj: 47/10). Na osnovu člana 4. pomenutog Zakona, strani predavači su prisiljeni da otvore bankovne račune u BiH da bi im se sredstva mogla na iste i uplatiti. **“Plaćanje, naplaćivanje, prijenos i isplata u Federaciji između rezidenata, između rezidenata i nerezidenata i između nerezidenata vrši se u konvertibilnim markama.”** Kako se najčešće radi o kratkim posjetama od par dana, cjelokupna procedura prijave, te otvaranja računa i isplata se ne može realizirati tokom boravka gostujućih predavača, te se realizacija projektnih aktivnosti dovodi u pitanje a sve radi nemogućnosti blagovremene isplate. U saradnji sa WUS-Austria, a na prijedlog Ureda za međunarodnu saradnju UNBI pokrenuta je procedura za imjenu i dopunu spornog člana Zakona prema Rektorskoj Konferenciji/Zboru BiH na 1. sjednici koja je jednoglasno usvojena i nakon čega je urađen prijedlog izmjene i dopune za 2. sjednicu. Prijedlog je usvojen i poslan u Federalno ministarstvo za finansije na razmatranje i postupanje.

Drugi problem sa kojim se Ured susreće tokom 2016/2017. godine jeste usvajanje uredbe od strane Vijeća Ministara BiH u kojoj se mijenja visina takse za prijavu stranaca sa 5 KM na 100 KM i tražena dokumentacija (od ljekarskog uvjerenja, uvjerenja o nekažnjavanju, uvjerenja o nevođenju krivičnog postupka, itd., te ovjereni prevodi svih tih dokumenata). Ova procedura možda ne bi ni predstavljala problem da se ne radi o kratkim posjetama profesora koji po programima razmjene dolaze najčešće na sedam dana ili malo više, pa je fizički gotovo nemoguće pribaviti sve te dokumente, a sva ta dokumentacija, prevođenje, taksa, košta oko 300 KM. Sa ovim problemom se Ured za međunarodnu saradnju susreo u toku godine kroz Erasmus+ ICM program, CEEPUS program, te se sa istim obratio prema Odsjeku za mobilnost i mlade Ministarstva civilnih poslova radi podnošenja inicijative prema Vijeću ministara BiH. Na kraju se usvaja izmjena uredbe za umjetničke radnike, međutim ne u okvirima naučne i obrazovne saradnje.

Važno je istaći da veći napredak u načno - istraživačkom radu uposlenika otežava činjenica da ne postoji sistemski riješeno pitanje, pogotovo u pogledu finansijskog izdvajanja za objavljivanje radova u indeksiranim časopisima, učešćima na seminarima, konferencijama, skupovima i drugim vidovima istraživačkog rada. Otežavajuće okolnosti su i nepostojanje Zakona o naučno-istraživačkom radu, pravilnika koji bi regulisali ovu oblast na Univerzitetu. Na taj način se sve naučno - istraživačke aktivnosti na Univerzitetu provode isključivo inicijativom zaposlenika Univerziteta i jednim dijelom sredstvima Federalnog ministarstva obrazovanja i nauke.